

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0064011 25
Zenica, 12.01.2026. godine

OPĆINSKOM SUDU U ZENICI
-Sudiji za prethodno saslušanje-
ZENICA

Na osnovu člana 45. stav 2. tačka i) i člana 241. stav 1. Zakona o krivičnom postupku
F BiH, p o d i ž e m

O P T U Ž N I C U

Protiv:

B. M., ..., osuđivan,

što je:

1. dana 21.05.2025. godine oko 15,00 sati u prostorijama ..., u ulici ..., teško tjelesno povrijedio C. I. na način dok se C. I. sageo da spremi svoje stvari iz kasete prišao mu je s leđa B. M. sa kojim je zajedno dijelio ..., i ako je znao i bio svjestan da može nanijeti tešku tjelesnu povredu, snažno ga nogom udario u predjelu glave od siline udarca je pao na leđa, te ga nastavio udarati nogama i rukama, uslijed kojih udaraca je zadobio tešku tjelesnu povredu u vidu preloma poda očne jabučice desnog oka sa nagnječenjem glave oko desnog oka sa nagnječno razdernom ranom,
2. dana 21.05.2025. godine oko 15,00 sati, u prostorijama ..., u ulici ..., svjestan svojih radnji što je i htio, pa je tako pokušao silom spriječiti službene osobe u obavljanju poslova čuvanje osoba ... a u izvršavanju službenih radnji, nakon što je nanio tešku tjelesnu povredu C. I. kako je to opisano u tački 1. Optužnice, gdje je od daljih napada na C. I. spriječen od strane ... J. I. koji je M. sklonio sa C. I., izdao mu naredbe da se odvoji od C., na što se on ogлуšio o naredbe, zauzeo borbeni stav prema J. I. koji je pozvao putem sredstava veze pomoć gdje su došli zatvorski čuvari F. E., B. E. i B. E., i kada su pokušali da ga stave pod kontrolu i stave mu sredstva vezivanja radi sprovođenja u disciplinsko odjeljenje ... isti je pružao aktivan otpor na način da ih je gurao, otimao se, mahao rukama i nogama, iako je znao i bio svjestan da im tako može nanijeti laku i tešku tjelesnu povredu kojom prilikom je udario J. I. u predjelu lijeve ruke nanijevši mu laku tjelesnu povredu u vidu nagnječenja oba ručna zgloba i oguljotinu sa gornje strane desne šake, te tešku tjelesnu povredu u vidu preloma čunaste kosti,

čime je počinio produženo krivično djelo „Teška tjelesna povreda“ iz člana 172. stav 1. KZ F BiH, u sticaju sa krivičnim djelom „Sprečavanje službene osobe u vršenju službene radnje“ iz člana 358. stav 3. u vezi stava 1. i 2. u vezi sa članom 28. KZ F BiH, sve u vezi sa članovima 55. i 54. KZ FBiH.